



DIJASPORA BH + CIPS KARTICA = GRAĐANI PRVOG REDA

Svi smo svjedoci šta se desilo u ratu u Bosni i Hercegovini od 1992. do 1995. godine. Bosna i Hercegovina je razorena, preko 200 hiljada njenih građana pobijeno, masakrirano i silovano i rastjerano po svijetu. Cilj agresije na našu zemlju bio je uništiti njenu populaciju i Bosnu i Hercegovinu kao državu. Čudom otpora, uz velike napore naša zemlja je sačuvana i nalazi se na svjetskoj mapi iako to mnogima ne odgovara. Ono što nije dovršeno tada, sada se dovršava na jedan drugi način, jer se pokušava legalizovati ono što je vojno urađeno.

Ovdje ćemo se zadržati na pitanju bh. dijaspore, koja živi razasuta po cijelom svijetu. Neki će se vratiti u domovinu a neki neće, i to je izbor svakog čovjeka. Ali ako smo iskreni prema sebi, u našim mislima i duši uvijek će biti Bosna i Hercegovina bez obzira gdje živimo, u Evropi, Australiji, Aziji, Africi ili Americi. Pošto su u međuvremenu, dok mi živimo u bijelom svijetu lični dokumenti promjenjeni (lična karta i pasoš), mi koji ih nemamo kao da praktično i ne postojimo. Dok ti dokumenti nisu promjenjeni i dok smo imali važeće stare dokumnete, poput lične karte, mi smo bili legalni građani Bosne i Hercegovine. Danas to više nismo i time se dovršava etničko čišćenje.

Kao što smo rekli svačije pravo je da živi gdje želi i niko nikoga ne može natjerati da se vrati u Bosnu i Hercegovinu, ali možemo uraditi jedno, a to je imati regularne dokumente koji

su važeći i time ne dozvoliti da nas izbrišu sa spiskova i državljanstva naše zemlje.

Zato mi pokrećemo akciju i molimo naše ljude da, kad borave u BiH, izvade ličnu kartu.

- ◆ Sa ličnom kartom bit ćemo upisani u spisak građana Bosne i Hercegovine i nećemo biti i formalno etnički očišćeni;
- ◆ Sa ličnom kartom možemo učestvovati na izborima i koristiti svoje prava glasa da sudjelujemo u životu Bosne i Hercegovine. Glasanjem ćemo vratiti naše predstavnike vlasti u gradovima iz kojih smo protjerani i time dati Bosni i Hercegovini sliku koja je približna onoj iz 1991. godine.

Stoga je, dragi Bosanci i Hercegovci važno da ako volite svoju zemlju ne dozvolite da Vas formalno izbrišu sa spiska građana naše domovine Bosne i Hercegovine. To pravo vam ne može niko oduzeti, jedino ako nemate ličnu kartu Vi to pravo sami prepuštate drugima.

Pozivamo Vas da budete dio naše akcije, da budete dio pokretačke snage dijaspore BiH. Prenesite ovu informaciju svim Bosancima i Hercegovcima koji nemaju CIPS ličnu kartu i osigurajte bolju budućnost Bosne i Hercegovine.

Incijativa:

Svjetskog saveza dijaspore Bosne i Hercegovine

Mart 2007.